

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava „Tekući transferi pojedincima – Transfer za raseljena lica i povratnike“ utvrđenih Budžetom Federacije Bosne i Hercegovine za 2024. godinu Federalnom ministarstvu raseljenih osoba i izbjeglica, V. broj: 506/2024 od 08.04.2024. godine („Službene novine Federacije BiH“, broj: 27/24), federalni ministar raseljenih osoba i izbjeglica, **raspisuje**

**Javni poziv
za dodjelu novčanih sredstava porodiljama povratnicama na područje entiteta
Republika Srpska**

I

Objavljuje se Javni poziv za dodjelu novčanih sredstava porodiljama povratnicama u entitet Republika Srpska, radi poboljšanja pronatalitetne politike.

II

Pravo na dodjelu novčanih sredstava imaju porodilje povratnice iz kategorije manjinskog povratka na područje entiteta Republike Srpska u skladu sa Aneksom VII, član 1. tačka 3. stav d) Općeg okvirnog sporazuma za mir u Bosni i Hercegovini, a prema posljednjem popisu stanovništva u Bosni i Hercegovini, i to:

1. Da su članice povratničkih domaćinstava na području entiteta Republika Srpska;
2. Da imaju prijavljeno prebivalište u opštinama povratka na području entiteta Republika Srpska;
3. Porodilje koje su rodile djecu u periodu od 01.07.2023. – 30.06.2024. godine.

III

Iznos novčanih sredstava, za dijete rođeno u gore naznačenom periodu, iznositi će 1.000,00 KM.

Ukupan iznos finansijskih sredstava za realizaciju ovog Javnog poziva iznosi do 300.000,00 KM.

IV

Isplata novčanih sredstava će se izvršiti na transakcijski/tekući račun porodilja.

V

Prijava na Javni poziv treba **obavezno** da sadrži sljedeće dokumente:

1. Čitko popunjenu i potpisanu prijavu porodilje na Javni oglas, na obrascu koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića br. 2, 71000 Sarajevo;
2. Originalno uvjerenje porodilje o prebivalištu (CIPS) ne stariji od 6 mjeseci ili kopija lične karte (ovjerena);
3. Uvjerenje nadležnog organa o ostvarenom povratku porodilje (Uvjerenje o povratku) (original ili ovjerena kopija);
4. Rodni list novorođenog djeteta/djece rođenih u naznačenom periodu; (original ili ovjerena kopija);
5. Ugovora sa bankom o otvaranju transakcionog/tekućeg računa porodilje ili potvrda o otvorenom računu (original ili ovjerena kopija).

Prijave sa svim traženim dokumentima dostaviti lično ili poštom preporučeno, sa naznakom na adresu:

**Federalno ministarstvo raseljenih osoba i izbjeglica
Ul. Hamdije Čemerlića br. 2.
71000 Sarajevo**

sa naznakom "Prijava na Javni poziv za dodjelu novčanih sredstava porodiljama povratnicama na području entiteta Republika Srpska"

(Na poleđini koverta navesti ime i prezime podnosioca i tačnu adresu)

Rok za dostavljanje prijava na Javni poziv je 30.06.2024. godine

Nepotpune i neblagovremene prijave neće se uzimati u razmatranje.
Federalno ministarstvo nema obavezu vraćati predatu dokumentaciju aplikantima.

Broj: 05-32-5-768-1/24
Sarajevo, 03.06.2024. godine

MINISTAR

Nerin Dizdar